

Ammasumik ataatsimiinnermi oqaluuserisassat:

- Imm. 01** Oqaluuserisassat akuersissutigineri
- Imm. 02** Borgmesterip nalunaarutaa.
- Imm. 03** Ataatsimiititaliani siulittaasut nalunaarutaat.

Aningaasaqarnermut tunngasut

- Imm. 04** 2014-imut missingersuutissat ukiunullu 2015-imiit 2017-imut missiliuutissat siul-
lermeeneri.
- Imm. 05** Isertitat pillugit isertitassatut immikkut aningaasaliissuteqarneq.
- Imm. 06** Utoqqaat Angerlarsimaffiani allafinnik paarlaassinissamut immikkut
aningasaliissutissanik qinnuteqaat.

Suliassat nalinginnaasut

- Imm. 07** Ataatsimoorussamik Atammik/Napasog nunaqarfinni aqutsisuniit
sulinnigiffeqarnissamik qinnuteqaat.
- Imm. 08** Ilaqutariinnermut ataatsimiititaliami ilaasortatut tunuarniarluni qinnuteqaat.
- Imm. 09** Teknikkimut Avatangiisinullu ataatsimiititaliami ilaasortatut tunuarniarluni
qinnuteqaat.
- Imm. 10** Oqaluuserisassatut siunnersut – Tarnimikkut eqqarsataatsimikkullu nappaatillit
innarluutillillu qassiunerinik misissuinissaq.
- Imm. 11** Oqaluuserisassatut siunnersuut – Qimatulivimmi kalaalimernit atorluarnissaat
akikillineqarnissaallu.
- Imm. 12** Oqaluuserisassatut siunnersut – Puttasut pisanillu niusiviusinnaasumik
pilersitsinissaq.
- Imm. 13** Oqaluuserisassatut siunnersuut – Aalisakkanik tunitsiveqarsinnaaneq pillugu
seminaarertitsinissaq.
- Imm. 14** Oqaluuserisassatut siunnersuut – Oqaatsinut politikkimik suliaqarnissaq.
- Imm. 15** Tamalaat.

Ataatsimiinneq videokonferenci atorlugu ingerlanneqassaaq aallartissallunilu nal. 8:30

Peqataasut:

Atassut

Inuit Ataqatigiit

Siumut

Nalunaaruteqarlutik peqataanngitsut:

Nalunaaruteqaratik peqataanngitsut

Imm. 01 Oqaluuserisassat akuersissutigineri

Aalajangiineq

Imm. 02 Borgmesterip nalunaarutaa

Aalajangiineq

Imm. 03 Ataatsimiititaliani siulittaasut nalunaarutaat

Aalajangiineq

**Imm. 04 2014-imut missingersuutissat ukiunullu 2015-imiit 2017-imut missiliuutissat siul-
lermeeneri**

Journalnr. 06.01.01

Tunuliaqutaq

Aningaasaqarnermut ataatsimiititaliaq februaarip 12-iani 2013-imi ataatsimiinnermini 2014-imut missingersuutissatigit ukiunullu missiliuuteqarfiusussanut piffissaliussatut pilersaarutit kiisalu 2014-imi missingersuutissatigit aningaasatigit killiliussassat aalajangiiffigivai

Politikkikkut partiit, ataatsimiititaliaq nunaqarfinnilu aqutsisut 2014-imut missingersuutissatigit, ukiunullu missiliuuteqarfiusunut kissaatiminnik juunip 20-iani 2013-mi tunniussaqaqput, kommunalbestyrelsilu missingersuusiormut atatillugu aggustip 29-niit 30-anut 2013-mi isumasioqatigiisitsilluni.

Maleruagassatigit tunngavissaq

Kommunit missingersuusiortarnerat, aningaasanik tigoriaannaateqarnerat, naatsorsuutaat, kukkurnersiuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 13, 26. juli 2010-meersoq.

Qeqqata Kommuniata karseqarnermut naatsorsuuserinermullu malittarisassai.

Pissutsit atuuttut

Aningaasaqarnermut ataatsimiititaliaq maajip 7-ani 2013-imi ataatsimiinnermi 2014-imut missinger-suutitigit, ukiunullu 2015-imiit 2017-imut missiliuuteqarfiusunut killiliussassat aalajangersarpai.

Tamatuma malitsigisaanik kommunalbestyrelsip 2013-mut atatillugu immikkut aningaasaliissutit ataasiakkaat nuussinerillu akuersissutiginiuuai, tamakkulu aamma 2014-mi missingersuutitigit ukiunilu missiliuuteqarfiusuni malunaateqartussaallutik.

Iluarsiissutit tamakku iluarsiissutigereerlugit 2014-mut missingersuutissatigit, taamatullu ukiuni missiliuuteqarfiusuni 2015-imiit 2017-imut siunnersuutit tulliuuttut isikkoqalerlutik:

| Konto | Kontop taaguutaa | Miss. siunn. 2014 | Missiliuutit 2015 | Missiliuutit 2016 | Missiliuutit 2017 |
|-------|---|----------------------|----------------------|----------------------|----------------------|
| 1 | Allaffissorneq | 96.345 | 96.345 | 96.345 | 96.345 |
| 2 | Teknikki avatangiisillu | 36.481 | 36.481 | 36.481 | 36.481 |
| 3 | Suliffissaqartitsiniarneq inuutissarsiutillu | 24.563 | 24.563 | 24.563 | 24.563 |
| 4 | Isumaginninnermut tunngasut | 174.181 | 174.181 | 174.181 | 174.181 |
| 5 | Ilinniartitaaneq kulturilu | 219.094 | 216.575 | 216.575 | 216.575 |
| 6 | Pilersuineq | 4.398 | 4.398 | 4.398 | 4.398 |
| | Ingerlatsineq katillugit | 555.062 | 552.543 | 552.543 | 552.543 |
| 7 | Sanaartorneq katillugit | 51.075 | 31.079 | 14.000 | 14.000 |
| | Aningaasartuutit katillugit | 606.137 | 583.622 | 566.543 | 566.543 |
| 8 | Isertitat | -601.585 | -601.585 | -603.585 | -603.585 |
| | Ingerlatsinermi angusat | 4.552 | -17.963 | -37.042 | -37.042 |
| 9 | Killiffimmi nikingassut | 10.471 | 7.980 | 5.000 | 5.000 |
| | Oqimaaqatigiisitsineq | 15.023 | -9.983 | -32.042 | -32.042 |
| | Ukiup aallartinnerani uninngasuutit (1) | 340 | -14.683 | -4.700 | 27.342 |
| | Ukiup naanerani uninngasuutit | -14.683 | -4.700 | 27.342 | 59.384 |

(1)kommunalbestyrelsimi aggusti 2013-i aallaavigalugu akuersissutaasimasut toqqammavigalugit ukiup aallartinnerani pigisassat



2014-imut missingersuutit karsimiittuutitigut amigartoorutaasussatut isikkoqarnerat oqaatigineqasaaq, tamannalu ingerlatsinikkut sanaartukkatigullu aningaasartuutissat 5 procentiinik karsimiittuuteqarnissamik siunertamut naapertuutinnigilaq.

Aammattaaq oqaatigineqassaaq, ukiuni missiliuuteqarfiusuni sanaartugassanut aningaasaliissutikit-suararsuummat, tamannalu patsisaanerpaalluni ukiuni missiliuuteqarfiusuni karsimiittuutit anner-tuumik pitsanngoriaateqarnerinut.

Missingersuutininut tigummisanut iluarsiiissutit

Avatangiisitigut isertitanut missingersuutini iluarsiiissuteqarnermut atatillugu, 2013-imi maajimi isertitat taakku 10 procentimik iluarsiiissuteqarfiupput. Konto 68-05-imi ikuallaavinnut akitsuutininut iluarsiiissuteqartoqarsinnaanngilaq, tassami kiassarnerup Nukissiorfimmumut tunisinerumut aki kommunimit aalajangerneqarneq ajorpoq. Taamaalilluni annertuallaamik isertitaqarnermut naatsorsorneqarsimasut 470.000 koruunit (Sisimiuni 320.000-it Maniitsumilu 150.000-it) utertinneqartussaassapput.

Namminersorlutik Oqartussat Kanukoka-llu ataatsimoortumik tapiissutit pillugit isumaqatigiinniarnat piffissaliussap iluani naammassineqarput, tassa aasaanerani sulinnigiffeqartarnerit aallartinninnerani. Oqaluuserisassani isertitassatut ilassutitut aningaasaliissuteqarnissanut suliarineqartussamut sanilliullugu , ataatsimoortumik tapiissutinut isumaqatigiissutip Qeqqata Kommuniani 2,7 mio. koruuninik annerusumik tapiissutinik tunineqarpoq.

| Konto | Isertitatigut iluarsiiissutit | 2014 | 2015 | 2016 | 2017 |
|--------------|--------------------------------------|---------------|---------------|---------------|---------------|
| 66-05 | Ikuallaaveqarneq | 470 | 470 | 470 | 470 |
| 83-01 | Ataatsimoortumik tapiissutit | -2.719 | -2.719 | -2.719 | -2.719 |
| | Katillugit | -2.249 | -2.249 | -2.249 | -2.249 |

Aningaasartuutissat eqqarsaatigalugit kommunip sanaartugassatigut missingersuutaanut, Aningaasanut Inatsisissakkut illuliortiternermi aningaasaleeqataassutissat apeqqutaasorujussuussaapput. Massakkumut Aningaasanut Inatsisissatut siunnersuummi 2014-imut Nuup avataani sanaartukkanut annikitsuinnartigut aningaasaliissuteqarfiginiakkat takussaallutik. 2014-imut Aningaasanut Inatsisissatut siunnersuumut Qeqqata Kommuniani nutaanik sanaartornissanut isumaqatigiinniartoqarpoq.

Kommunip 2014-imut 2015-imullu sanaartornermut missingersuusiani, ukiunut taakkununga marluusunut nunaqarfinni multihaalilornissanut 3 mio. koruuninik immikkoortitsisoqareerpoq, Namminersorlutilli Oqartussat sanaartornissamut aningaasaliissutissatik (50 %) akuersissutiginnigilaat, taamatullu akileeqataanissaminnik nalunaaruteqaratik.

| Konto | Sanaartugassatigut missingersuutit iluarsisat | 2014 | 2015 | 2016 | 2017 |
|--------------|--|-------------|-------------|-------------|-------------|
| 75-52 | Itillimi Sarfannguanilu multihaalit | - 3.000 | - 3.000 | 3.000 | 3.000 |

Aningaasartuutissat eqqarsaatigalugit ilaqutariinnermut ataatsimiititaliap aningaasaqarnerata ataatsimut isiginnissamik amigaateqartoqarpoq, 2013-imi 2014-imilu missingersuuteqarfiusumi ukiunilu missiliuuteqarfiusuni ilassutitut aningaasaliiffigineqarnissamut arlalinnik qinnuteqaateqartoqarnissaa naatsorsuutigineqassaaq, pingaartumik Sisimiut immikkoortortaanit. Kommunip aningaasaqarnerata ataatsimut eqqortumik isigineqarnissaa pingaartuuvuq, suliasallu taakku isumagineqartariaqarput ajornartorsiutillu annertunerusumik immikkut misissorneqarnerisa nassuiaatissartai nassiunneqarlutik.



Missingersuusiornermik isumasioqatigiinnermi kissaatigisarpaalussuit nutaat oqallisigineqarput, aallaavittulli aningaasaqarnerup inissisimanerata 2014-imut kissaatigisat nutaat inissaqartippiangilai, tassa matuma siulliini isertitatigut iluarsiiisuteqarnerup kinguneranik karsimiittuutit 2014-imi 14,7 mio. koruuninik amigartooruteqassammata.

Ataatsimiititaliat eqimattakkaarnerminni utoqqarnut innarluutilinnullu pitsanngorsaanerit, pingaartumik inissaqartitsineq eqqarsaatigalugu pitsanngorsaanissaq pingaarnertut tullerriiaripput. Inissiaqarnermut talittarfeqarnermullu pissutsit pillugit Namminersorlutik Oqartussanit nalunaaruteqartoqarnissaa utaqqimaarneqarpoq. Tamatuma saniatigut kissaatit missingersuutitut ilaatinneqareersut tullerriiarneqarput, soorlu kalaalimineerniarfiit pitsanngorarneqarnissaat, aaqqissuusaanerup pitsanngorarneqarnissaat, suliffissaaleqinerup pingaarnertutinnissaa il.il. Atuilluartuunissamat suliniutit, Maniitsumi nipilersornermut ilinniarfik kommunalbestyrelsip inuusuttaallu aamma tullerriiarnermi pingaarnertutinneqarput.

Kissaatit kingulliit pingasut taaneqartunut tullinnguuttutigit aningaasaliiffigineqarnissaat eqqarsaatigineqartariaqarpoq, tassa 8 mio. koruunit atuilluartuunissamat suliniutitut, Maniitsumi nipilersornermut ilinniarfimmik, sunngiffimmi illuutigisami pioreersumi/aggersussami ingerlatsinerup ukiumut 1 mio. koruunit, kiisalu kommunalbestyrelsip inuusuttaannut ukiumut 200.000 koruunit. Aningaasaliissutitut allanut atatillugu Namminersorlutik Oqartussanit nalunaarutigineqartussaq apeqqutaalluni, tullerriiarinerit taakku missingersuutit aappassaaneernissaannut ilanngunneqartariaqarput.

Aningaasaqarnikkut allaffissornikkullu kingunerisinnaasai

Kommunimi suliffissaaleqineq eqqarsaatigalugu ilaqutariinnermullu ataatsimiititaliap susassaarfiisa aqunniarnerisigut aningaasaqarneq massakkut annertuumik nalorninartumiippoq. Taamaattorli ukiuni missiliuuteqarfiusuni aningaasaqarnikkut inissaqartitsisoqarpoq, tassa sanaartugassatigut aningaasaliissutit annikinnerisigut, 2012-imilu akileraarutip qaffaallannerartigut.

Peqatigitillugulu ukiut kingulliit marlussuit piginneqatigiilluni inissiatileqatigiiliornianiit tapiiffigineqarnissamik qinnuteqartoqartarluni, ukiuni kingullerni tallimani taamaattoqartanngeriarluni, taamaattumik ukiuni missiliuuteqarfiusuni tamakkunuuna aningaasartuutissat iluarsiiisutaasariaqarlutik.

Allaffeqarfiup naliliinera

Namminersorlutik Oqartussat illuatungaannarsiorlutik sanaartornermik Nuuk kisiat pingaartillugu isiginiarlugu politikkeqartillugu, peqatigitillugulu kommunit akornanni isertitatigut nikingasorujussuarmik Kommuneqarfik Sermersooq-mut iluaqutaasussamik agguataaritillugit, taamatullu aamma ukiuni kingulliinerusuni tapiissutitigut kommunit tamakkerlugit sipaarniarfigalugit, tamanna Qeqqata Kommuniani sakkortuumik sipaarniarnissaq suli pisariaqarpoq. Namminersorlutik Oqartussat politikkiat, tassa kommunit aningaasameertunngortinniarlugit ilungersunartorujussuuvoq, kommunimmi taakkuupput, inunnik kiffartuussinermik ingerlataqartut. Peqatigitillugulu aamma pingaarteqarluni, kommunit pilersaarutitut annertoorujussuarnut soorlu alumiiniumik aatsiteriffiliassamat, uuliamik gassimillu misissuinissanut/qalluinissanut qaarusunnullu ingerlatsiviliornissanut atatillugu kommunini pilersaarusiornermi peqataanissaminut nukissaqartinneqarnissaat.

Allaffeqarfiup ilanngullugu innersuuttuigissavaa, ukiumi missingersuusiorfiusumi iliuusissanik nutaanik missingersuusioriaaseq saneqqullugu ikkussisoqassanngitsoq. Taamaaliorneq tullerriiarinermik kiputitsisnaammat, tassa iliusissat nutaat peqatigitillugu tulleriaareqqinnermik kinguneqartinneqanngippata.

Taamatuttaaq allaffeqarfiup innersuussutigaa, ukiup siulianisuulli tullinnguuttut ingerlateqqinneqassasut:

- allaffissuarmi atorfinitsitsisarnerit unitsinnissaat, tamatumuunalu atorfiit suli amerlanerusut sipaarutaasariaqassallutik, tassa sipaarutaareersut saniatigut
- najugaqavissut sulisorinerulernissaat, tassa sulisut sinerissamiit nunallu avataaniit taarseraanne-rujussuit akisuut pinaveersaarlugit
- ullumikkut sutigut tamatigut suliatigut sulisut ikilisarlugit
- atuarfinni klasseni atuartut amerlillugit, immikkut atuartitsinerit ikilisarlugit
- kommuni kiffartuussineri akiliuteqarfiusartut akitsorlugit

Tamatumalu qularnanngitsumik kiffartuussinerup appariaateqarneranik kinguneqassaaq, kisianni soorunalimi kiffartuussinerit appariaateqarnissaat sapinngisamik ingalassimaarniarneqassaaq.

Allaffeqarfiup innersuussutigissavaa, nutaanik iliuuseqarnissat, soorlu atuilluartuunissamut suliniutinut, Maniitsumi nipilersornermut ilinniarfimmuut kiisalu kommunalbestyrelsip inuusuttaannut aningaasaliissut, utaqqimaartittariaqartut, tassa ataatsimoortumik kommuni aningaasaqarnikkut akileraarutitigut ataatsimoortumillu tapiissutitigut, taamatullu aamma oqaluuserisassani aalajangiussat malitsigisaannik aningaasartuutissat qanoq inissisimanerata paasinarsinissaa utaqqimaarallarlugu.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap septembarip 18-ani 2013-imi ataatsimiinnermini suliap sularivaa.

Aningaasaqarnermut ataatsimiititaliami ilanngullugu aalajangiunneqarpoq, najugaqarfiit inoqqortussusii tunngavigalugit pisortatigut ikiorsiissutit annertussusiisa nikinganeri misissuiffiqineqassasut.

Sulisoqarneq pillugu misissuisoqassasoq.

Innersuussut

2014-imut missingersuutissatut siunnersuutit pigineqartut aallaavigalugit, aningaasaqarnermut ataatsimiititaliap kommunalbestyrelsimut akuereqqullugu innersuussutigissavai,

1. ikuallaaveqarfinit kissamik tunisisarnerit iluarsiiissutit aammalu ataatsimoortumik tapiissutit qitiusuniit nalunaarutit akuerineqassasut, missingersuutitigullu iluarsiiissuteqarfiullutik
2. ukiuni missingersuuteqarfiusuni 2014-imi 2015-imilu multihalalinut 3.000.000 koruuninik immikkoortitsinerit kinguartinneqassasut, tassa Namminersorlutik Oqartussat akiliutissaminnik aningaasaliinissaasa tungaanut, taamaalillugit missiliuteqarfinnut 2016-imut 2017-imullu inissinneqarallarlutik.
3. 2014-imi akileraarutissap procentia 26-miitiinnarneqassasoq
4. sanaartugassanut allatigullu sanaartugassatigut attartorsinnaanissaq aaqqissuunneqassasoq
5. aappassaaneerinissamut inuit akileraarutissaasigut nalimmassaanerillu qitiusuniit nalunaarutissat missingersuutitigut aningaasaqarnermut immikkoortortap iluarsiiissuteqarfigissagai
6. missingersuutitigut isumasioqatigiinnermi politikkikkut tulleriarinerit suleqatigiinniit salliutinneqartut tassaasut atuilluartuunissamut suliniutit, Maniitsumi nipilersornermik ilinniarfik, kiisalu kommunalbestyrelsip inuusuttai aappassaaneerinissamut aalajangiiffissatut saqqummiunneqassasut



Aalajangiineq

Ilanngussat

1. 2014-imut missingersuutissatut siunnersuutit septembarip 13-ni 2013-imi pigineqartut
2. 2014-imut missingersuusionermermi ukiunullu missiliuuteqarfiusunut missingersuutitigut kissaatigisat tullerriaarneri



Imm. 05 Isertitat pillugit isertitassatut immikkut aningaasaliissuteqarneq

Journalnr. 06.02.01

Tunuliaqutaq

2013-imi ukiup affaani siullermi missingersuutininik malinnaatitsinermut, 2014-imullu missingersuusiornermut atatillugu isertitatigut allannguutit, matumani 2013-imi inuit akileraarutaatigut isertitassanut Akileraartarnermut Aqutsisoqarfiup naatsorsuutigisaminik allannguisimasoq ilanngullugu paasineqarput.

Maleruagassatigut tunngavissat

Immikkut aningaasaliisarnerit kommunalbestyrelsip akisussaaffigaa.

Konto 8-mi isertitat, Aningaasaqarnermut ataatsimiititaliap akisussaaffigai.

Pissutsit atuuttut

Missingersuutitigut malinnaatitsinermut atatillugu allannguutit tullinnguuttut paasineqarput:

Konto 80-01-00-90-01-imi akileraarutitigut isertitat pillugit Akileraartarnermut Aqutsisoqarfiup mailikkut 2012-imi decembarip 10-aneersutigut, allakkatigullu 2013-imi juunip 25-aneersutigut, Qeqqata Kommunianut ukiumut aningaasarsianit akileraarutininik naatsorsuutininik allanngortippai. Akileraarutitigut allannguinerup kingunerisaanik siullermik 1,8 mio. koruuninik pitsanngoriaraluarput, aappasaanili 2013-imi ukiup affaani siullermi aningaasarsianit akileraarutit qaffannerisa kingunerisaanik 6 mio. koruuninik pitsanngoriarluni. Ataatsimut isigalugu akileraarutitigut isertitassat 292,5 mio. koruuninik 300,3 mio. koruuninut qaffallutik, 7,8 mio. koruuninik qaffannissaat naatsorsuutigineqarpoq.

Konto 83-imi akileraarutitigut nalimmassaaneq, ataatsimoortumillu tapiissutit pillugit Namminersorlutik Oqartussat Kanukoka-llu ataatsimoortumik tapiissutissat pillugit isumaqatiginninniarnit 2012-imi kingusissukkut naammassivaat, kingornalu allannguutit aatsaat ukiortaaliuvilluinnartoq nalunaarutigalugit. Ataatsimut isiginnilluni 3,1 mio. koruuninik pitsanngoriaateqarpoq.

Konto 83-01-00-82-00-imi akileraarutitigut nalimmassaaneq pillugu ilaatigut akileraarutitigut allannguinuq pillugu missingersuutit 2,2 mio. koruuninik apparlugit iluarsineqassapput.

Konto 83-01-00-82-01-imi ataatsimoortumik tapiissutit pillugit ilaatigut pingaartumik akitigut iluarsissuteqarneq, allatigullu iluarsissuteqarneq pillugit 5,3 mio. koruuninik qaffanneqassapput.

Konto 85-01-00-86-02-mi erniatigut isertitat pillugit erniat 1,8 mio. koruuninik missingersuusiarineqarput, taamaakkaluartorli ilaatigut kommunip karsimi uninngasuutai annertunngillat, ilaatigullu erniat appassisorujussuullutik, taamaattumillu erniatigut annertuumik isertitaqarnissat naatsorsuutigineqanngilaq. Taamaalilluni 1,8 mio. koruuninik immikkut aningaasaliissuteqarnissaq pisariaqarpoq.

Konto 86-01-10-71-01-imi isertitat allat pillugit Namminersorlutik Oqartussat oqaatigaat, talittarfimmu akiliutinik nunatta karsianut akilerneqartussanik kommuni pissarsisarnissaanut akerliuvoq. Taamaalilluni 4 mio. koruuninik immikkut aningaasaliissuteqarnissaq pisariaqarpoq.

Atuilluartuunissakkut kingunerisinnaasai

Oqaaseqaatissaqanngilaq.

Aningaasaqarnikkut allaffissornikkullu kingunerisinnaasai

Ataatsimut isiginnilluni kommunip 2013-imut missingersuutaanut kiisalu 2014-mut missingersuutininik ukiunullu missiliuuteqarfiusunut tullinnguuttutut kinguneqassaaq:

| Konto (1.000 kr.) | Taaguutaa | Missinger-suutit | Immikkut aningaasaliissutit | Aningaasaliissutit |
|--------------------------|---|-------------------------|------------------------------------|---------------------------|
| 80-01-00-90-01 | Ukioq manna inuit akileraarutaannit isertitat | - 292.474 | - 7.800 | - 300.274 |
| 83-01-00-82-00 | Akileraarutitigut nalimmassaaneq | - 92.523 | + 2.240 | - 90.283 |
| 83-01-00-82-01 | Ataatsimut tapiissutit | - 206.435 | - 5.330 | - 211.765 |
| 85-01-00-86-02 | Erniatigut isertitat | - 1.779 | + 1.779 | 0 |
| 86-01-10-71-01 | Talittarfik | - 4.000 | + 4.000 | 0 |
| Katillugit | | - 597.211 | - 5.111 | - 602.322 |

Erseqqissaatigineqassaaq, kommunip aningaasaqarneranik systemimi isertitat minusimik nalunaarsorneqartarmata, taamaalillunilu ataatsimut isigalugu isertitat 5.111.000 koruuninik qaffannissaat pineqarluni.

Allaffeqarfiup naliliinera

Allaffeqarfiup nalilerpaa, missingersuutit eqqortut pigineqalissappata, siuliani taaneqartutut nuutsinissat, immikkullu aningaasaliissuteqarnissat pinngitsoorneqarsinnaanngitsut. Allaffeqarfiup erseqqissaatigissavaa, Ilaqutariinnermut tunngasuniit immikkut aningaasaliissutissanik qinnuteqaatinik aamma takkuttoqartussaammata, taamaalillunilu 5,1 mio. koruuninik pitsanngoriaatissaq annertunerusumik aningaasaateqalernissamik kinguneqartussaassanngilaq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap septembarip 18-ani 2013-imi ataatsimiinnermini suliaq suliarivaa.

Innersuussut

Aningaasaqarnermut ataatsimiititaliap Kommunalbestyrelsimit inaarutaasumik akuerineqartussanngorlugu innersuussutigaa

Siuliani eqitsit naapertorlugu 2013-imut missingersuutinut kiisalu 2014-imut missingersuutinut ukiunullu missiliuuteqarfiusunut ataatsimut 5.111.000 koruuninik isertitassanut immikkut aningaasaliissuteqartoqassasoq

Aalajangiineq

Ilanngussaq

1. Konto 8-mi – isertitat – 2013-imi aggustip naanerani oqimaaqatigiissitsinerup assilinera

Imm. 06 Utoqqaat Angerlarsimaffiani allaffinnik paarlaassinissamut immikkut aningasaliissutissanik qinnuteqaat

Tunuliaqut

Piffissami kingullermi utoqqaat immikkut paarineqarnissamik pisariaqartitsisut amerliartorsimapput, matumani pineqarput peqqissutsikkut annertuumik eqqugaasimasut, namminneerlutillu tamanna pillugu imminnut ikiorsinnaajunnaarsimasut. Matumani ingammik pineqarput utoqqaat puigortunngornermik nappaateqalersimasut, tamatumallu sukkasuumik siuariartorneratigut peqqissutsimikkut annertuumik piffissap sivikitsup iluani eqqorneqarsimasut. Tamatumalu saniatigut utoqqaat peqqinnissaqarfiup ataani immikkut paaqqutarineqartussanngorlugit inissinneqartartut amerliartorput.

Tamanna pissutigalugu utoqqarnut sullissivik, angerlarsimaffimmi ikiorteqartitsivik kiisalu Utoqqaat Angerlarsimaffiat suleqatigiillutik angerlarsimaffimmi ikiorteqartitsiviup utoqqaallu angerlarsimaffiata allaffiisa paarlaassineq atorlugu nuunneqarnissaannik siunnersuummik suliaqarsimapput, siunertaralugu Utoqqaat Angerlarsimaffiani init marluk najugaqartunut inissiannngorteqqinneqarnissaannik suliniuteqarnissaq. Utoqqaat Angerlarsimaffiani init marluk pilersinneqarsinnaagunik, taava kommuni peqqinnissaqarfimmi paaqqutarineqartussanngorlugit inissiinermut sipaaruteqarsinnaalissalluni. Siunnersuutillu makkunanga imaqarput:

- Angerlarsimaffimmi ikiorteqartitsiviup allaffiata Niviarsiani utoqqaat sapinnginnerusut inissiaasa fiistertarfikumut nuunneqarnissaa
- Utoqqaat Angerlarsimaffiata allaffiisa utoqqaat illuata kiilerianut nuunneqarnissaa
- Utoqqaat Angerlarsimaffiani sulliveeqqap maannakkut allaffiusunut nuunneqarnissaannik siunnersuut
- Utoqqaat Angerlarsimaffiani init najugaqarfiusinnaasut marlunnik ilaneqarnissaat, tassungalugu tunngatillugu utoqqaat angerlarsimaffiani sulisut amerlineqarnissaannik siunnersuut

Pissutsit atuuttut

Utoqqaat Angerlarsimaffiat 32-nut najugaqarfissiaavoq ataatsimillu qasuersaartarfeqarpoq. Maannakkut ininik inoqanngitsoqanngilaq, init tamarmik inoqarmata. Atuagaasivitoqqamili utaqqiisaasumik immikkut pisariaqartitsisunut qasuersaartarfimmik pilersitsisoqarsimavoq marlunnik siniffilimmik.

Utoqqaat Angerlarsimaffiat inissanik 9-nik allilerneqartussaavoq, naammassineqarnissaalu naatsorsuutigineqarpoq 2015-mi piariissasoq.

Ulloq 1. juni 2013 utoqqaat pingasut immikkut paaqqineqarnissamik pisariaqartitsisut peqqissaavimmi uninngasuutigineqarput.

Ulloq 1. maj 2013 utoqqaat 30-it Utoqqaat Angerlarsimaffianut utaqqisutut allatsissimapput, taakkunanga utoqqaat qulingiluat annertuumik immikkut paaqqineqarnissamik pisariaqartitsisuullutik. Utoqqaat 74-it utoqqaat sapinnginnerusut inissiaannut utaqqisutut allatsissimapput, taakkualu saniatigut utoqqaat 16-it illoqarfinit allaneersut Sisimiunut nuukkusullutik qinnuteqarsimapput, tamarmillu utoqqaat sapinnginnerusut inissiaannut utaqqisutut allatsissimapput.

Ulloq 1. juli 2013-p missaani utoqqaat sapinnginnerusut inissiaat nutaat 12-it Niviarsiani sanaartorne-qartut maani Sisimiuni, naammassineqassapput naatsorsuutigineqarporlu utoqqaat imminnut ikiorsinnaarpiannngitsut tassani najugaqartinneqassasut.



Ullumikkut utoqqarnut sulliveeqqami Utoqqaat Angerlarsimaffianiittumi atuisut 15 – 20-it missaaniipput.

Utoqqaat Peqatigiiffiat qaammammut sisamariarluni Katersortarfimmi utoqqarnik naapeqatigiisitsis-sarpoq, atuisullu assigiinngitsunik sammisaqartinneqartarput. Tassungalu takkuttarput utoqqaat 60 – 70 missaani.

Kalaallit nunaata naatsorsueqqissaartarfiani utoqqaat 65-niit qummut ukiullit Sisimiut illoqarfiani siunissami aggersumi amerliartornissaannut takorluugaa imaappoq:

| Ukiut | 2013 | 2020 | 2024 |
|-------------------|------------|------------|------------|
| 65-69 | 162 | 211 | 251 |
| 70-74 | 125 | 148 | 171 |
| 75-79 | 84 | 100 | 110 |
| 80-84 | 30 | 36 | 38 |
| 85-89 | 7 | 6 | 9 |
| 90-94 | 2 | 2 | 1 |
| 95+ | 0 | 0 | 0 |
| Katillugit | 410 | 503 | 580 |

| Ukiut | 2013 | 2020 | 2024 |
|-------------------|------------|------------|------------|
| 65-79 | 371 | 459 | 532 |
| 80 + | 39 | 44 | 48 |
| Katillugit | 410 | 503 | 580 |

Qulaani taaneqareersutut Sisimiut illoqarfiani Utoqqaat Angerlarsimaffiata ukioq 2013 inissanik pisariaqartitsinera kisitsisinngorlugu imaappoq:

| Amerlassutsit | Suunera |
|---------------|---|
| 32 | Utoqqaat Angerlarsimaffiani inissat |
| 1 | Qasuersaartarfik |
| 2 | Pisariaqarluinnartumik qasuersaartarfik |
| 3 | Peqqinnissaqarfimmi uninngasut |
| 9 | Piaartumik UA-mi inissanik utaqqisut |
| 47 | Inissat |

Utoqqaat 65-niit qummut ukiullit amerlassusaannut sanilliullugu ukioq 2013-mi inissanik pisariaqartitsisut 410-usunit 47-nik amerlassuseqarput, procentinngorlugu 11,5%. Isumaqarnarporlu ukiuni tulluuttuni 25-ni inissamik pisariaqartitsineq taamaaginnassasoq, tassa pisariaqartitsiuartaqassaag, ukiullu taakkua ingerlanerani inissanik pisariaqartitsineq ima annertusisimassaaq:

| Ukiut | 2013 | 2020 | 2024 |
|-------------------------|-----------|-----------|-----------|
| 65+ | 410 | 503 | 580 |
| Inissat pisariaqartitat | 47 | 58 | 67 |
| Amerleriaatsit | 17 | 26 | 35 |

Sisimiuni inuit amerliartornerinut takussutissiaq Kalaallit nunaanni naatsorsueqqissaartarfimmi suliarineqarpoq ukioq 2024-ip tungaanut. Nuna tamakkerlugu inuttaasut amerliartorneri pillugu kisitsisit takussutissiarineqartut tunngavigalugit naatsorsuutigineqartariaqarpoq, Sisimiuni utoqqaat ukioq 2035 tikillugu amerliartussasut, tamatumali kingorna amerliartorneq unikaallassaaq.

Inuttaasut amerliartornerinut takussutissaq malillugu, Utoqqaat Angerlarsimaffiani ukioq 2024-mi inissanik 67-nik pisariaqartitsissaaq. Ukiorlu 2013-mi inissat 32-it eqqarsaatigalugit, ukioq 2024-ip tungaanut inissat nutaat 35-it pisariaqartinneqassapput.

Maannakkorpiaq piorsaanissamut pilersaarutit ukuupput:

| Pilersaarut | 2013 | 2015 | Katillugit |
|--|-------------|-------------|-------------------|
| Angerlarsimaffimmi ikiorteqartitsiviup nuunneratigut | 2 | | 2 |
| Utoqqaat Angerlarsimaffiata allilerneqarnissaa | | 9 | 9 |
| Inissat nutaat | 2 | 9 | 11 |

Tamatumap kingorna imaalerpoq, inissat 24-it suli pisariaqartinneqarnerat tamannalu pissutigalugu nutaamik ulloq unnuarlu utoqqarnut paaqqinniffimmik 25-nik inissalimmik sanasoqartariaqarluni.

Ulloq 1. maj 2013 utoqqaat amerlassusaannik maannakkut siunissamilu naatsorsuineq tunngavigalugu, Sisimiuni ullumikkut utoqqaat 396-it najugaqarput nunaqarfiit ilanngullugit, taakkunanga sisamat 90-it sinnerlugit ukioqarput, pingasullu piffissami aggersumi 90-nik ukioqalissapput. Naatsorsueqqissaarnermi kisitsisit tunngavigalugit, ukioq 2013-mi Sisimiuni utoqqaat 80-niik 84-it tungaanut ukiullit 30-upput, arfineq marlullu 85-niik 89-it tikillugit ukioqarlutik. Naatsorsueqqissaarnerup takutippaa, utoqqaat ukioqqortuut amerligaluttuinnartut. Aammalu naatsorsueqqissaarnermi suliat takutippaat Sisimiuni ukioq 2013-mi utoqqaat 428-nut amerliumaartut, matumani 65-niik qummut ukiullit eqqarsaatigalugit, 2020-milu utoqqaat 503-nngorsimassapput.

Tassalu ukioq 2020-mi utoqqaat 100-nik ikinnerunngitsunik amerleriassapput, tassa ukiut arfinillit affarlu qaangiuppata.

Naatsorsueqqissaarnerq innuttaasut nikerarnerinut periutsit atorlugit suliarineqarpoq, ilaatigut toqukkut qimaguttut pillugit paasissutissat atornerisigut, aammalu suaassutsikkut amerlassutsit kiisalu utoqqalinermut nuttarnermi nuuttut aallartullu tunngavigalugit.

Maleruagassatigut tunngavissaq

Inatsisartut ulloq unnuarlu utoqqarnut paaqqinniffiit pillugit Peqqussutaa nr. 11, oktoberip 30.-ani 1998-meersoq il.il. matumani §5: *Kommunalbestyrelsip qulakkeersimassavaa utoqqarnut ulloq unnuarlu inissiani najugaqarfissiat pisariaqartitsineq naapertorlugu inissaqartitsiniassasoq.*

Aningaasaqarnikkut kingunerisassai

Ilisimaneqartut Utoqqaat Angerlarsimaffiat allilerneqassaaq ukioq 2013-mi, matumani siunertaralugu init qulaaluanik amerlineqarnissaat, naammassineqarnissaaalu naatsorsuutigineqarpoq ukioq 2015-mi pissasoq. Tamanna sulissutigineqarsimavoq utoqqarpasuit nammineq angerlarsimaffigisaminni imminnut ikiorlutik najugaqarsinnaangitsut amerliartornerat, ilaatigut ukioqqortussuseq, inooriaaseq, nappaatit soorlu qaratsakkut aanaartoornerit aammalu imigassamik atornerluinerup kinguneranik puigortunngornermik nappaateqalernissamik ulorianartorsortut matumani pineqarput. Aammalu utoqqaat kisimiittut amerliartorput, angerlarsimaffiminni iluamik annertoqutissaqannngitsutut nalilerneqarsinnaasut imaluunniit ilaqutaqarpiannngitsuusut. Ukiuni kingullerni utoqqarnut sullissiviit ataatsimoorlutik qanoq iliuseqarniartarsimapput, pissutigalugu utoqqaat angerlarsimaffianut utaqqisut amerligaluttuinnarmata, tamannalu



iliuseqarfigisariaqarmat, suliniutillu Utoqqaat Angerlarsimaffiani init pioreersut atornerisigut misissorneqartarsimapput, aammalu atorneqalersimapput, soorlu atuagaateqarfikup qasuersaartarfittut atorneqalersinneratigut. Taamaakkaluartorli pisariaqartitsineq tamakkiisumik matuneqarsinnaanngilaq, matumani aamma sulii allanik utoqqaqarmat qasuersaartinneqarnissamik pisariaqartitsisunik.

Ullumikkut utoqqaat arfineq pingasut qulaalualluunniit ulloq unnuarlu paarineqarnissamik pisariaqartitsipput, taakkunanga pingasut maannakkut peqqinnissaqarfimmi uninngasuutigineqarlutik. Taakkununga akiliut ullumikkut akiutinneqartut tunngavigalugit, ullormut inummut ataatsimut peqqinnissaqarfimmi immikkut paaqqineqarlutik uninngasunut akeqarpoq 4.095 kr. Taamaallillunilu inuit pingasut ullormut katillugu akiliuteqartinneqarput kr. 12.285, qaammatinngoraanni kr. 368.550 imaluunniit ukiumut 4.422.600 kr., kisianni ukioq 2013-mi aningaasat taakkununga akiliutigineqartussat taamaallaat 100.000 kr. immikkoortinneqarsimapput.

Utoqqaat Angerlarsimaffiani inissanik ajornartorsiuteqarnerup maannakkut qanoq iliuseqarnikkut ikiorsiivigineqarnissaa pisariaqarpoq, inillu periarfissamik neriunaateqartitsisut atorluarneqartariaqarput, taamaattumik tamanna pillugu utoqqarnut sullissiviit ajornartorsiutinik taakkualu qanoq iliuseqarfigineqarsinnaanerit suliniutinik qanorlu aningaasatigut naleqarnissaat ilanngullugu suliniuteqarput, tamannalu pillugu taakkununga imatut nassuiaasersorlugit oqaaseqaateqarusupput:

Angerlarsimaffimmi ikiorteqartitsiviup allaffia utoqqaat sapinnginnerusut inissiaanni Niviarsianiittumi fiistertarfikumut nuunneqaraluarpat, Utoqqaat Angerlarsimaffiata allaffiisa taamaallitut allaffikumut takanunga nuukkaluarpat, najugaqartunut inissat minnerpaamik marluk pilersinneqarsinnaalissangaluarput. Inini najugaqarfittut pilersinneqaqqittussani imermut aquteqareerpoq aammalu kuuffiit aquteqareerlutik, taakkualu init pilersinneqarnerinut naatsorsuutigineqarsinnaapput. Init marluk pilersinnerisigut aningaasartuutissat 500.000 kr. missaaniinnissaat naatsorsuutigineqarpoq. Taakkua saniatigut najugaqartut amerlinerisa kinguneranik sulisut pingasunik amerlineqartariaqarput, inillu septemberip aallaqqaataata missaani ukioq 2013 atorneqalernissaminnut piareerpata, sulisut amerlinerisigut aningaasartuutissat aningaasaliissutit iluanneereersut eqqorneqassapput, taamaalliluni utoqqaat angerlarsimaffiat ukiup sinneranut aningaasanik 214.000 kr.-nik sulisunut atugassanik pisariaqartitsilissalluni. Aningaasat pisariaqartinneqartut ukiumut naatsorsuineq atorlugu annertussuseqarput kr. 642.000. Sulisut amerlineqarnissaannut aningaasartuutissat saniatigut Utoqqaat Angerlarsimaffiat siniffinnik nutaanik marlunnik pisariaqartitsilertussaavoq, taakkualu saniatigut aningaasaliissutaareersut allat aamma eqqorneqartussaapput taamatut amerlilinerup kinguneranik.

Angerlarsimaffimmi ikiorteqartitsivik fiistertarfikumut nuukkuni, suliffeqarfinnut attartornermi malittarisassat tunngavigalugit akiliuteqartitsisoqassaaq, tamannalu inissianik nalinginnaasumik attartornermi akiliutinut naleqqiullugu annertuneruvoq. Qanorli annertussusiliinissaq sulii ilisimaneqanngilaq, kisianni attartortitsinermi akiliutaasartut atuuttut tunngavigalugit aammalu suliaq pillugu INI-mik ataatsimeeqateqarnermi paasisat tunngavigalugit, naatsorsuutigineqarpoq ukiumut 140.000 kr. missaani attartorneq akeqassasoq.

Ukioq 2013-mut aningaasaliissutit misissornerini, matumani utoqqarnut sullissiviit aammalu ilaqutariinnermut sullisiviik ataatsimut tamaat isigalugu, pisariaqarpoq oqaatigissallugu nutaatut aningaasartuutissat utoqqarnut sullissiviit iluannit aningaasaliiffigineqarsinnaanngimmata, matumani aningaasaliissutaareersunik nuussinikkut imaluunniit aningaasaliissutaareersunik ileqqaaruteqarnikkut, tamannalu pissutigalugu aningaasaliissutissat immikkut aningaasaleeqqittoqarneratigut pissarsiarineqartariaqarput.

Matumani aamma eqqaasitsissutigisariaqarpoq qulaani suliniutigineqartoq akuerineqassappat, tamanna peqqinnissaqarfimmut ukioq manna akiliutaasussaagaluit eqqarsaatigalugit annertuumik taakkununga sunniteqartussaammat, taamaalillunilu aningaasarpassuarnik ileqqaartoqassagaluarpoq.

Immikkut aningaasaliissutissanut siunnersuut:

| Konto | Suunera | Aningaasaliissutit | Atugassatut ilimagisat | Pisariaqartitat 2013 | Pisariaqartitat 2014 |
|---------------------------|---------------------------------------|--------------------|------------------------|----------------------|----------------------|
| 470210 | Angerlarsimaffimmi Ikiorteqartitsivik | | | | |
| 4702102501 | Ininik attartorneq | 0 | 70 | 70 | 140 |
| Katinnerat | | 0 | 70 | 70 | 140 |
| 470910 | Utoqqaat Angerlarsimaffiat | | | | |
| 4709100111 | Akissarsiat, tiimermusialinnut | 6.158 | 6.372 | 214 | 642 |
| 4709101505 | Atisat | 38 | 40 | 2 | 6 |
| 4709101602 | Nerisaqarneq | 859 | 888 | 29 | 87 |
| 4709102099 | Pequtit nutaat | 167 | 193 | 26 | 0 |
| 4709102201 | Aserfallattaaliineq Illu, inillu | 213 | 713 | 500 | 0 |
| Katinnerat | | 7.435 | 8.206 | 771 | 735 |
| Tamaasa katillugit | | | | 841 | 875 |

Qullersaqarfiup oqaaseqaatai

Ilasutitut aningaasaliissut akuersissutigineqassasoq innersuussutigineqarpoq. Utoqqaat Angerlarsimaffiata allilerneqarnissanut suliariumannittussarsiuussinerut atorunnaarsinneqarnerata, kiisalu inissaaleqineq patsisaalluni utoqqaat Peqqinnissaqarfimmi unitsinneqartarnerisa amerliartornerat patsisaalluni, siunissami inissanik amerlanerusunik pisariaqartitsineq annertunerulissaaq.

Allilerinissamat kontomit aningaasanik tigusineq periarfissaq allaasinnaavoq.

Allaffeqarfiup naliliinera

Allaffeqarfimmiit nalilerneqarpoq Utoqqaat Angerlarsimaffiani ininik marlunnik immikkut pilersitsisoqarpat, tamanna annertoerujussuarnik oqimaatsorsiornermut iluaqutaassasoq, aammalu utoqqarnik immikkut paaqqineqarnissamik pisariaqartitsisunik utaqqineq taamaasilluni sivikillisinneqassaaq, tassami allatut ajornartumik tamakkua peqqinnissaqarfimmut inissittariaqartarnerat allanik periarfissaqannginneq pissutigalugu unitsinneqartarmata.

Sisimiuni peqqinnissaqarfimmi uninngasuuteqarnermut akiliutissat aningaasaliissutitut inissinneqarsimasut kr. 100.000-nik annertussuseqarput. Maannakkut peqqinnissaqarfimmi uninngasuutigineqarput pingasuupput, ullormut akiliutigineqartarluni kr. 4.095,00 tamannalu taamatut ingerlaannassappat augustip 31-ata 2013 tungaanut akiliutit kr. 1.850.940-nik annertussuseqarnissaat naatsorsuutigineqarpoq, tamannalu pissutigalugu kr. 1.750.940-nik ilasutitut aningaasaliisoqartariaqassaaq.

Utoqqaat Angerlarsimaffiani immikkut ininik marlunnik pilersitsinerup kingunerisaanik, tassunga aningaasartuutaasussat matumani sulisut amerlinissaat ilanngullugu naatsorsuusiarineqarput. Aningaasartuutissat katillugit kr. 841.000-nik annertussuseqassapput.



Ukiup naaneranut utoqqaat pingasut peqqinnissaqarfimmiitinnerine, aningaasartuutissat annertussuseqassapput kr. 3.349.710, Utoqqaalli Angerlarsimaffianut kingusinnerpaamik 1. september 2013 nuunneqarpata, taava aningaasartuutissat kr. 1.498.770-nik minnerulissapput. Ininik marlunnik pilersitsinissamut aningaasartuutaasussat ilanngaatigineqarpata, taava aningaasat ileqqaarutigineqarsinnaasut kr. 657.770-nik annertussuseqassapput. Allaffeqarfimmiit siunnersuutigineqarpoq aningaasartuutissat immikkut 2013-mi kr. 841.000-nik aningaasaleeqqinnikkut pissarsiarineqassasut, 2014-milu tamatumalu kingorna 875.000 kr.-nik annertussuseqartut aningaasaleeqqinnikkut qinnutigineqassasut. Kingusinnerusukku peqqinnissaqarfimmiittuutigineqartunut akiliutissat eqqarsaatigalugit immikkut aningaasaliinikkut akilerneqarnissaat pillugu qinnuteqaammik suliaqartoqarumaarpoq, taakkualu kr. 1.850.940,00 annertussuseqarnissaat naatsorsuutigineqarpoq.

Allaffeqarfiup innersuussutaa

2013-imi ilassutitut aningaasaliissutissat 841.000 koruunit aammalu 2014-imi ilassutitut aningaasaliissutit 875.000 koruunit akuersissutigineqassasut, nuunnissallu aallartinneqassasut. Utoqqaat Angerlarsimaffiata allilerneqarnissaanut kontomit aningaasat tiguneqarsinnaanersut misissorneqassasoq
Suliaq Aningaasaqarnermut ataatsimiititaliamut suliaqanngorlugu ingerlateqqinneqassasoq

Ilaqutariinnermut ataatsimiititaliami suliaq suliarinera

Ilaqutariinnermut ataatsimiititaliap aggustip 21-ani 2013-imi ataatsimiinnerani innersuussut akuersissutigineqarpoq.

Aningaasaqarnermut ataatsimiititaliami suliaq suliarinera

Aningaasaqarnermut ataatsimiititaliap septembarip 18-ani 2013-imi ataatsimiinnermini suliaq suliarivaa.

Innersuussut

Kommunalbestyrelsimut innersuussutigineqassaaq

2013-imi ilassutitut aningaasaliissutissat 841.000 koruunit aammalu 2014-imi ilassutitut aningaasaliissutit 875.000 koruunit akuersissutigineqassasut, nuunnissallu aallartinneqassasut.

Utoqqaat Angerlarsimaffiata allilerneqarnissaanut kontomit aningaasat tiguneqarsinnaanersut misissorneqassasoq

Aalajangiineq

Ilanngussaq

Ilanngussaqanngilaq

Imm. 07 Ataatsimoorussamik Atammik/Napasok nunaqarfinni aqutsisuniit sulinngiffeqarnissamik Elias Dahlip qinnuteqaataa

Journalnr.01.01.03

Tunuliaqutaq

Nunaqarfinni aqutsisuni ilaasortap Elias Dahlip, suliffimmini ulappinneq ilaqutariinnermullu tunngasut pissutigalugit ataatsimoorussamik Atammik/Napasok nunaqarfinni aqutsisuniit sulinngiffeqarnissamik qinnuteqaat septembarip 17-ani 2013-imi e-malikkut nassiuppa. Qaammatit pingasut sulinngiffeqarnissaq qinnutigineqarpoq.

Maleruagassatigut tunngavissat

Kommunit aquneqarnerat pillugu Inatsisartut inatsisaat nr. 22, 18. november 2010-meersumi

§ 15. Ilaasortaq kommunalbestyrelsen ataatsimiinnissaani napparsimanini, naartunini, erninini, meeravissartaarnini, inuiaqatigiinni sullissisusaatitaalluni pisussaaffiligaanini, inuutissarsiutini assigisaalluunniit pissutigalugit ataatsimeeqataasinnaajunnaarpat ilaasortap pisinnaangitsup qinigaqatigisimasaasa, aamma kisimiillutik qinigassanngortissimasut, piumasarisinnaavaat sinniisussap ataatsimiigiaqquneqarnissaa. Inissitserfiusumik ataatsimiinnermi, imaluunniit aningaasartuutissanut missingersuutit aappassaaneernejarnerannut atatillugu, sinniisussap ataatsimiigiaqquneqarnissaa piumasarineqarsinnaavoq allamik peqquteqarluni ilaasortaq ataatsimeeqataasinnaangippat. Qinigassanngorteqatigiinni ilaasortamik qinikkamik ataatsimiigiaqqusinnissamik piumasagaateqartoqarsinnaangippat sinniisussap nammineq piumasagaatigisinnaavaa ataatsimiigiaqquneqarnissani.

Imm. 2. Ilaasortaq imm. 1-imi taagorneqartuni patsiseqarluni piffissami qaammatinik marlunnik sivilunerusumik anisariaqaleruni taava borgmesterimut allakkatigut taamatut ilioriarluni nalunaaruteqassaaq. Borgmesterip sinniisussaq kommunalbestyrelsen ataatsimiinnissaanut tulliuuttumut siullermut ataatsimiigiaqqussavaa.

Imm. 3. Kommunalbestyrelsen aalajangissavaa ilaasortap anigallarnissaanut aammalu sinniisussap isernissaanut piumasagaataasut eqqortinneqarnerisut.

Imm. 4. Ilaasortap kommunimi pisussaaffini suliareqqissinnaalerpagit sinniisussaq kommunalbestyrelsimit tunuassaaq.

Imm. 5. Borgmesterip imaluunniit borgmesterip tulliat sinniisussaa imm. 2-mi maleruagassat naapertorlugit isertinneqarpat, pineqartullu pisinnaangikkallarnera sivilinnerpaamik qaammatinik sisamanik sivilussuseqarpat § 6-imi maleruagassat malillugit kommunalbestyrelsen toqqassavaa borgmesteritut imaluunniit borgmesterip tulliatut isumagissanik isumaginnittussaq.

Aqutsisuni ilaasortanut inatsit aamma atuuppoq.

Pissutsit atuuttut

Ataatsimoorussamik Atammik/Napasok nunaqarfinni aqutsisut tallimanik ilaasortaqarpoq, Atassut aamma Inuit Ataqtatigiit tamarmik ataatsimik ilaasortaatitaqarput Siumullu pingasunik. Sinniisussat allattorsimaffiat naapertorlugu marluk Siumup sinniisussaanut nalunaarsugaapput, siulleq massakkut ilaasortaavoq decembarip 9-ata 2013-ip tungaanut.

Elias Dahlip sulinngiffeqarnerani Siumumi sinniisussat aappaat Gerth Poulsen ilaasortangussaaq. Kommunit aquneqarnerat pillugu Inatsisartut inatsisaanni § 51, mm. 3 malillugu inissiternermi siulittaasussamik qinersisoqassaaq. Tippu-Bolethe Jakobsenip sulinngiffeqarnerani Elias Dahl siulittaasutut toqqarneqarmat, decembarip 9-ata 2013-ip tungaanut aqutsisut akunnerminni siulittaasussamik qiniseqqissapput.



Innersuussut

Kommunalbestyrelsimut innersuussutigineqassaaq,

- 1) Elias Dahlip ataatsimoorussamik Atammik/Napasooq nunaqarfinni aqutsisuniit sulinngiffeqarnissamik qinnuteqaataa, oktobarip aallaqqaataaniit decembarip naaneranut 2013-mut akuersissutigineqassasoq.
- 2) Elias Dahlip sulinngiffeqarnerani Gerth Poulsen ataatsimoorussamik Atammik/Napasooq nunaqarfinni aqutsisuni ilaasortanngussasoq.

Aalajangiineq

Ilanngussat

1. Elias Dahlip septembarip 17-ani 2013-imi allagaa.
2. Ataatsimoorussamik Atammik/Napasooq nunaqarfinni aqutsisussatut sinniisussat allattorsimaffiat.

Imm. 08 Ilaqtariinnermut ataatsimiititaliami ilaasortatut tunuarniarluni qinnuteqaat

Journalnr. 01.02.03

Tunuliaqutaq

Kommunalbestyrelsimi ilaasortap Jakob Olsenip, suliffittaamini ulappinneeq pissutigalugu Ilaqtariinnermut ataatsimiititaliami ilaasortatut tunuarniarluni qinnuteqaat aggustip 16-ani 2013-imi e-malikkut nassiuppaa.

Maleruagassatigut tunngavissat

Kommunit aquneqarnerat pillugu Inatsisartut inatsisaat nr. 22, 18. november 2010-meersoq

§ 37. Piffissap qinigaaffiup ingerlanerani ataatsimiititaliami taamaaqataaniluunniit ilaasortaq tunuarpat kommunalbestyrelsimilu suleqatigiinnit aalajangersimasunit qinerneqarsimappat inissaq inueruttoq suleqatigiinnit taakkunannga inuttalerneqassaaq.

Pissutsit atuuttut

Maajip aallaqqaataani 2013-imi kommunalbestyrelsip inissitsiterluni ataatsimiinnerani taaseqatigiittarnissamik isumaqatigiissuteqartunit Siumumit Atassumillu, inissaq inueruttoq inuttalerneqassaaq.

Innersuussut

Kommunalbestyrelsimut innersuussutigineqassaaq

Ilaqtariinnermut ataatsimiititaliami ilaasortatut tunuarniarluni Jakob Olsenip qinnuteqaataa akuersissutigineqassasooq

Taaseqatigiittarnissamik isumaqatigiissuteqartut Siumut Atassullu Ilaqtariinnermut ataatsimiititaliami ilaasortassamik nutaamik toqqaassasut.

Aalajangiineq

Ilanngussaq

Ilanngussaqanngilaq

Imm. 09 Teknikkimut Avatangiisinullu ataatsimiititaliami ilaasortatut tunuarniarluni qinnuteqaat

Journalnr. 01.02.03

Tunuliaqutaq

Kommunalbestyrelsimi ilaasortap Hans Frederik Olsenip, Teknikkimut Avatangiisinullu immikkoortortap ataani sulisitsisutut atorfininnini pissutigalugu Teknikkimut Avatangiisinullu ataatsimiititaliami ilaasortatut tunuarniarluni qinnuteqaat septembarip 12-ani 2013-imi e-malikkut nassiuppa.

Maleruagassatigut tunngavissat

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq

§ 27. Ataatsimiititaliat siulittaasussatik namminneq qinertassavaat.

§ 37. *Piffissap qinigaaffiup ingerlanerani ataatsimiititaliami taamaaqataaniluunniit ilaasortaq tunuarpat kommunalbestyrelsimilu suleqatigiinnit aalajangersimasunit qirnerneqarsimappat inissaq inueruttoq suleqatigiinnit taakkunannga inuttalerneqassaaq.*

§ 39. *Imm. 2. Ataatsimiititaliami ataavartumi ilaasortaaneq ajornarpoq:*

1) ataatsimiititaliamut ataavartumut ingerlatsivimmi pineqartumi akisussaasutut aqutsisuusumut taakkualu tullersortaannut, aamma

2) allatut allaffissornikkut akisussaaffittaqartumik ingerlatsivimmi aqutsisuusunut, ataatsimiititaliap ataavartup ataaniittumi.

Pissutsit atuuttut

Maajip aallaqqaataani 2013-imi kommunalbestyrelsip inissitsiterluni ataatsimiinnerani taaseqatigiittarnissamik isumaqatigiissuteqartunit Siumumit Atassumillu, inissaq inueruttoq inuttalerneqassaaq.

Innersuussut

Kommunalbestyrelsimut innersuussutigineqassaq

Teknikkimut Avatangiisinullu ataatsimiititaliami ilaasortatut tunuarniarluni Hans Frederik Olsenip qinnuteqaataa akuersissutigineqassasoq

Taaseqatigiittarnissamik isumaqatigiissuteqartut Siumut Atassullu Teknikkimut Avatangiisinullu ataatsimiititaliami ilaasortassamik nutaamik toqqaassasut.

Aalajangiineq

Ilanngussaq

Ilanngussaqanngilaq

Imm. 10 Oqaluuserisassatut siunnersut – Tarnimikkut eqqarsartaatsimikkullu nappaatillit innarluutilillu qassiunerinik misissuinissaq

Journalnr.

Tunuliaqutaq

Kommunalbestyrelsimi ilaasortap Agathe Fountainip, tarnimikkut eqqarsartaatsimikkullu nappaatillit innarluutilillu qassiunerinik misissuinissamut siunnersuut kommunalbestyrelsimi oqaluuserisassatut aggustip 18-ani 2013-imi e-malikkut nassiuppaa.

Agathe Fountainip siunnersuutigaa inuit pineqartut qasserpiaanersut, qassinik ukioqarnersut, ullumikkullu qanoq inuuneqarnersut misissuiffigineqassasut. Misissuinerullu kingunerissagaa, ullukut ornitakkamik pilersitsisoqassasoq, pineqartut inuunerat inuttaannut tulluurtumik susassaqluarnissaat siunertaralugu immersueqataassinnaasumik.

Innersuussut

Kommunalbestyrelsimut akuereqqullugu innersuussutigineqassaaq,

siunnersuutip oqallisigineqareerneratigut Ilaqutariinnermut ataatsimiititaliamut suliassanngorlugu ingerlateqqinneqassasoq.

Aalajangiineq

Ilanngussaq

1. Agathe Fountainip aggustip 18-ani 2013-imi allagaa

Imm. 11 Oqaluuserisassatut siunnersuut – Qimatulivimmi kalaalimernit atorluarnissaat akikillineqarnissaallu

Journalnr.

Tunuliaqutaq

Kommunalbestyrelsimi ilaasortap Marius Olsenip, Qimatulivimmi kalaalimernit atorluarnissaat akikillineqarnissaallu pillugit siunnersuut kommunalbestyrelsimi oqaluuserisassatut septembarip 3-ani 2013-imi e-malikkut nassiuppa.

Siunnersuummut tunngavilersuutigineqarpoq meeqqeriviit igaffiisa sipaarutaanerisa kinguneranik aalisartut Qimatuliviullu kaaviiartitaat annertuumik annikilleriarsimanerat.

Marius Olsenip siunnersuutigaa Qimatulivimmi pisiassat akii 20 %-imik appartinneqarnissaat, piniartunut akit allangoratit. Isumaqarpoq akit appartinnerisigut pisisartut 20 %-imik amarlanerulissasut, taamalillunilu Qimatulivimmi kaaviiartitat annertusissallutik.

Innersuussut

Kommunalbestyrelsimut akuereqqullugu innersuussutigineqassaaq,

siunnersuutip oqallisigineqareerneratigut Teknikkimut Avatangiisinullu ataatsimiititaliamut suliaasangorlugu ingerlateqqinneqassasoq.

Aalajangiineq

Ilanngussaq

1. Marius Olsenip septembarip 3-ani 2013-imi allagaa

Imm. 12 Oqaluuserisassatut siunnersut – Puttasut pisanillu niusiviusinnaasumik pilersitsinissaq

Journalnr.

Tunuliaqutaq

Kommunalbestyrelsimi ilaasortap Marius Olsenip, puttasut pisanillu niusiviusinnaasumik pilersitsinissaq pillugit siunnersuut kommunalbestyrelsimi oqaluuserisassatut septembarip 3-ani 2013-imi e-malikkut nassiuppaa.

Siunnersuummut tunngavilersuutigineqarpoq Sisimiuni umiatsiaaqqat tulatarfii puttasut talittarfissuup pilersinnerata kingunrisaanik annikillerujussuarneri. Ajoraluartumillu aserorternerit pialersimapput umiatsiaaqqanillu kivisoqartalerluni.

Pisanut niusiviusinnaasumik peqanngimmat umiatsiaaqqat aqqusaartorneqartarput imaluunniit orsertarfiup puttasuatigoortoqarluni. Tamannalu pitsaasuunngimmat pingaartumik Qimatulivimmut majuussassat eqqarsaatigalugit, pisanik niusiviusinnaasumik puttasumik pilersitsisoqarnissaa siunnersuutigaa.

Innersuussut

Kommunalbestyrelsimut akuereqqullugu innersuussutigineqassaaq,

siunnersuutip oqallisigineqareerneratigut Teknikkimut Avatangiisinullu ataatsimiititaliamut suliassanngorlugu ingerlateqqinneqassasoq.

Aalajangiineq

Ilanngussaq

1. Marius Olsenip septembarip 3-ani 2013-imi allagaa

Imm. 13 Oqaluuserisassatut siunnersuut – Aalisakkanik tunitsiveqarsinnaaneq pillugu seminaarertitsinissaq

Journalnr.

Tunuliaqutaq

Kommunalbestyrelsimi ilaasortap Marius Olsenip, aalisakkanik tunitsiveqarsinnaaneq pillugu seminaarertitsinissaq pillugu siunnersuut kommunalbestyrelsimi oqaluuserisassatut septembarip 3-ani 2013-imi e-malikkut nassiuppaa.

Siunnersuummut tunngavilersuutigineqarpoq Sisimiut eqqaanilu ukiuni arlalinni aalisakkanik tunitsiveqarniarnerup ilungersunarsiartuinnarnera, taamaattumillu siunnersuutigalugu upernaamut aaqqiiniarnissaq pillugu susassaqtunut ukiuunerani seminarertitsisoqarnissaa.

Innersuussut

Kommunalbestyrelsimut akuereqqullugu innersuussutigineqassaaq,

siunnersuutip oqallisigineqareerneratigut Pisuussutit Umassusillit pillugit ataatsimiititaliamut suliassanngorlugu ingerlateqqinneqassasoq.

Aalajangiineq

Ilanngussaq

1. Marius Olsenip septembarip 3-ani 2013-imi allagaa

Imm. 14 Oqaluuserisassatut siunnersuut – Oqaatsinut politikkimik suliaqarnissaq

Journalnr.

Tunuliaqutaq

Kommunalbestyrelsimi ilaasortap Malene Ingemannip, oqaatsinut politikkimik suliaqarnissaq pillugu siunnersuut kommunalbestyrelsimi oqaluuserisassatut septembarip 4-ni 2013-imi e-malikkut nassiuppai.

Siunnersummi ilanngunneqartumi allaqqasutut, Malene Ingemannip tusarusuppara kommunalbestyrelsimi misiligutitut tullinnguuttutigit oqaatsinut politikkimik suliaqartoqarsinnaanersoq:

- Atuarfinni/klassini tamani, meeqqerivinni suliffeqarfinnilu oqaatsinut politikkeqartariaqarpoq, soorlu sulisoqarnermut politikkeqartoq.
- taamatuttaaq suuliffeqarfinnut atatillugu oqaatsinut politikkiliortoqartariaqarpoq.

Aammalu siunnersuummini ilanngullugu allappaa,

“Inuiaqatigiit oqaatsitigut sakkussaannik ineriartortitsinissaq, oqaatsitigut akimmisaarfinnik qaangiinissaq, taamatullu attaveqatigiinnikkut oqaatsitigut kulturikkut assigiinngissutsinut annertunerusumik paaseqatigiinnissaq ataqpeqatigiinnissarlu siunertaavoq, kiisalu ulluinnarni ilinniarnissamut periarfissanik atorluaanissaq siunertaalluni.

Suliffeqarfinni qallunaatut oqaaseqartut kalaallisut oqaaseqartuni inuiaqatigiinnut pitsaanerpaamik ilanngutivinnissaat pineqarpoq. Ullut tamaasa annikittukkuutaamik kalaallisut ilikkagaqarnissaq siunertaavoq.

Alloriarnerup siulliup qulakkiissavaa, ullumikkut oqaatsitigut sakkussat pigineqartut atorluarnissaat, oqaatsit akimortumik qanoq atorneqarnissaannut ilisimasaqarnerulernissaq, kiisalu oqaatsit akimorlugit inuiaqatigiinnut ilanngutivitsitsinissamut ineriartortitsinissamullu sakkutut 'akeqanngitsutut' atorneqarsinnaassallutik, taamaaliornikkullu inuit piginnaasaannik, kissaataannik pisariaqartitaannillu atorluaasoqarsinnaalluni.

MALUGIUK: Suliffeqarfimmi oqaatsinut politikki ataasiinnaasariaqanngitsoq,- suliffeqarfimmi piumasagaatit, sulisut akunnerminni pisariaqartitat assigiinngitsut ataatsimoortinneratigut, ataasiakkaat pisariaqartitaat naapertorlugit suliarineqarsinnaapput.”

Maleruagassatigut tunngavissat

Oqaatsinut politikki pillugu Inatsisartut inatsisaat nr. 7, 19. maj 2010-meersoq. Qeqqata Kommuniani sulisoqarnermut politikki.

Pissutsit atuuttut

Oqaatsinut politikki pillugu Inatsisartut inatsisaat malillugu oqaatsinik politikkiliorinissaq piumasagaataavoq. Aammalu Qeqqata Kommuniani sulisoqarnermut politikkimik immikkoortoq oqaatsit pillugi politikki, Qeqqata Kommuniani sulisunut tunngasoq ilaalluni

”Oqaatsit pillugit politikki

Qeqqata Kommuniani sulisut atorfeqartitaanerminnut ilanngullugu Kalaallisut Qallunaatullu ilinniarsinnaanerminnut pisinnaatitaallutillu pisussaaffeqarput. Oqaatsitigut politikki marluinnik sukaqarpoq, tassalu Sisimiuni Oqaatsinik Pikkorissarfimmi pikkorissarsinnaanermik sulianullu ilaatillugu atuartitsineq.

Suliffimmi atuartitaaneq sapaatip akunnerani aalajangersimasumik assersuutigalugu tallimangornikkut nal. 13:00-imiit 14:30-mut ingerlanneqartarpoq. Suleqatit suliffiminni ukioq kaajallallugu atuartinneqartarlutik, taamaalillutik eqqissillutik ataavartumillu ilinniarsinaammata. Suliffimmi atuartitaaneq illup iluani ingerlanneqartarpoq, tamatumani kalaallit kalaallisut ilinniartitsisarlutik qallunaallu qallunaatut. Suleqataasut kalaallisut qallunaatullu pikkorissut tuluttut atuarnissaminnik neqeroorfigineqartarput.

Suleqataasoq ukioq ataaseq kalaallisut ilinniareerpat, suleqataasoq sapaatip akunnerani ataatsimi nunaqarfimmi kommunip allaffeqarfisa arlaanniissinnaanissaanik neqeroorfigineqartarpoq. Ukiuni tallimani oqaatsinik ilinniareernikkut immikkut ikiuutissatut, ajunngitsumillu ukiuni tallimani ingerlatsisimanerminut ajunngitsorsiasatut, immaqqa oqaatsinik sungiusaatigalugu angalaarsinnaanissaq periarfissaasinnaavoq.

Kalaallisut oqaatsit pingaarnertut atugassaapput, qallunaallu oqaasii oqaatsit aappaattut. Taamaattumik qallunaatut attaveqarnerit tamarmik kalaallisuunngortitsinermik ilaqartinneqassallutik.”

Innersuussut

Innersuussutigineqarpoq siunnersuut kommunalbestyrelsip oqallisigissagaa.

Aalajangiineq

Ilanngussaq

1. Malene Ingemannip septembarip 4-ni 2013-imi allagaa

Imm. 15 Tamalaat